# ديوان شعر

# رسائك للوطن

شعر د. محمد سعيد القشاط



#### بطاقة فهرسة

#### حقوق الطبع محفوظة

#### مكتبة جزيرة الورد

اسم الكتاب: ديوان رسائل للوطن المسطولف: د. محمد سعيد القشاط

رقم الإيداع: الترقيم الدولي:



الطبعة الأولى ٢٠١٨

# الإهداء

إلى ابنتي سلمى مع تحيات مهاجر

محمد

# أودية الوطن ورجاله

بعيد الجبا وإد دينار ورافيل خلاصة النار ايسردوا اللسي جسار لا جسار وارقىي مع نهر لنهار مزاريسع صوانة – النسار وغرب لسروس افمحدار صيعان لا قرقع الطار حمايـــة الســوق لابــار وأن خلعوا جعد لوبار بن امشیش فی کل منقار وراشيف للحرب حضار

ومن وين جلبت اشعابه عرب بیت باعد اطنابه يعود اوله عن عقابه اللسى ويسن رقست ارقابسه ايجو للمداعك طرابه فى ويىن بىزع شىرابه ايجو كيف مزن السحابه هللسى سسواهم اتهابسه كـــل حـــديا خـــذ منابـــه اصقور في المعامع غضابه للوطن يحيوا شبابه

وهم يمسحوا عار لوكار والسوطن يحمسوا ترابسه لــو ظــل شــبرین نابــه انهز هز عرجون ذكار في فصل هاجم اطيابه

ويكسروا كل هيتار

#### طاحوا من العين ..

طاحوا من العين سكان من قبل كانوا زهاها وكانوا على مر لزمان تحسابهم من غلاها اليوم قنزوا افقور لفتان ولُوا صنيعه اعداها رمتهم ولا كان ما كان رمي الشعيرة سفاها وإلا كما ميص لجبان ظاري الظواري لغاها والدهر داين ومودان وهي جافيه اللي جفاها وهكاك من حب لوطان يكره اللي خان ماها

#### خوتك اللي معاك ..

اليارتحت هم يستريحوا قَدّام طيحك ايطيحوا مع كل نسمة ايميصوا اللسى اوكسارهم يسستبيحوا لسبد ظناهم يريحوا مع كل خرمه يذيحوا بالسو يغلث ذريحوا وايساك تقبل نصيحوا يبيحك مع من ايبيحوا ولا يضر عرضك نبيحوا یصبر علی کی ریصو)

خوتك اللي امعاك في الراي من كل دماى كماى وخليك من كل هوهاي وما ضيه تنبيه ع الجاي السرايحين ما بين لظماى وقت الشرق بيك خلاًى عبد المصالح وقظاى من شورهم كون ونساي اللي بيك في الناس شوهاي ارميـــه رميـــة الهبّــاي (ومن كان في الناس كوّاي

سيورها تتقاني

يطير الندا ويجلى الغمام الغايم

وتوضح جهايم خافيات جهايم

عوراتها تجّلّ

وبعد المغيبة شمسها تتعلى

ومن زل تظهر له عوار الزّله

يكشف خباويه الكريم الدايم

ويبان للناظر وكساس العله

وينحز ويصفى مشوم وشايم

ولا يشعلكش الخاف كان تعلى

يعود للوطى بعد ان تعلى رايم

يطير الندا تصرفي

وتظهر الحفّه من غباش الحفّه

وترجع الرفّه في مكان الرفّه

وتبدا الركايز في مكان القايم

وبيت عزها الزعزاع كان تقفى

يشدُّوه من متن لحبال رمايم

وترجع الكقه راجحه بالكقه

ولا يدوم للميظوم دول الظايم

\*\*\*

سيوها تتقللات

ويبقى الرّصف راسخ متين

ويتكشَّفوا نسزّال دار الهانسه

بعد صحو من طول المنام النايم

وتنصر في ثوب العفون عفائه

اتسوقه هزايم في عقاب هزايم

ولا يروق للرايق ضعيف اديانه

اللى فى ظلالات الظلاله عايم

\*\*\*

يطير النددا للساحي

توضاح وتضحي الضاد الضاد الضاد الضاد الضاد الضاد الحضين مداحي الحضين مداحي

حرام حارمه للحل ما تتلايم

ويبرز فراز الشبح للشباحي

ويبان للقايم اذباب القايم

وتظهر على الظآهر احقوق اللاحي

ويهب من نصر النصير نسايم

#### يا وطن العزاز....

يشف الحال يا وطن لعزاز
كيف اندلت يا صعب المراس
وانت كنت صلاح النشاز (۱)
وكانوا الناس في وطنك الناس
خذاتك عين يا موكر الباز
وباسك كان في العالم الباس
وحاز اليوم ما تشهي مجاز (۱)
وحرمك كان متعلي انداس
امرضت امراض واهونها النحاز (۱)
وداروا فيك ما داروا محاس
وحطوا فوق من فوقك اخزاز (۱)
وداروا الذيل قدامك الراس

<sup>(</sup>١) النشاز: الخروج عن الطريق القويم. (٢) مجاز: مسافه بعيدة.

۱) مجار . مساقه بعيده . ۳) النحاز : مرض صدري يصيب الإبل .

<sup>(</sup>٤) اخزاز : جمع خزز وهو نكر الأرنب

<sup>(</sup>٥) الحزاز : مرض جلدي ينتشر بسرعة .

ودخلوا بيك مرمور الدماس وشعبك كان صاعب ع الرواز نظيف العرض ما يرضى الدناس حايز بيك ضحضاح النفاز (١) ورافع بيك في العالم الراس وشامخ فوق شمّاخ اللزاز(٢) ويسقى الخصم من علقم الكاس رزین الشیل ما تهمه ادر از (۳) ثقیل الروز دراس الدراس قربب بجوك فرسان لملاز سروز الغيظ عل غيظ لحلاس كما غيدون هدوها لمعان اشبوب انحاس متقفى انحاس يهرشم روس ويجلى الخناز وتشعل نار من نار الحماس يفكوا وطن في المكمر انحاز وتخفق رايته من غير باس

<sup>(</sup>١) النفاز: المسافة البعيدة.

 <sup>(</sup>٢) اللزاز اللزازه هي الأحجار المتراصه قبل الوصول لقمة الجبل .
 (٣) ادارز : أحاديث غير مفيدة .

## يعود الشرف للوطن

وصلتنا أخبار من الوطن مؤلمه ومخجله تمس الشرف والكرامة . فكانت هذه القصيدة معبرة عن الحالة .

خطر في الخواطر بعد كان امخبيّ شي ولّع السامور بعد ان هبّي \*\*\*

خاطر بهر كانونه وحرّك اجماره الكاينه مدفونه حطب فرس يرقى للسما عثنونه عقاب ليل والع فوق راس التبّه ويزويه زعزاع القبالي عونه كل ما يخفّي في اللهيب يشبّه من اللى تمادوا في طريق الخونه ولا حد منهم للعفانه صبي ونزلوا بلا منزل منازل هونه من وين فاسد في الفساد تربّى

خطر في الخاطر اسنين في الجواجي خاطره يستاطر اليوم جمر جمره ولعوه عواطر خبير في النوارين لكبار امنبي ويقلاق من قطر عليه القاطر لا بال من سيل الصدود يطبّه (١) من الوطن قفّانا خبر يتناطر منه لقلوب الفارغة تتعبى دون ما مساديها قناها شاطر الحايص رغبها قبل ما تتلبي (٢)

خطر و پکدر تنزف اجراحه في الكنين اتغدر احمر زرع صابه في البدار امبدر وولّت اسناحات لشراف مكبّه يشف وطن في سوق لودار مودر

<sup>(</sup>١) الصدود: سفوح الجبال . (٢) الحايص : الذي يشق بطن الشاه بعد موتها بسرعة ليخرج منها ولدها الحايص . حي . حيًا يقال له (حاص الخروف) . ١٤

بدى ملعبه للسافلين مطبّه(١) وكان شعب كيف الهايجات ايهدر حامى لحمى ما تلحقاش السبِّه اليوم في حدار الحادرات امحدّر وتحت الوطى صبوا عليه الصبّه

الخواطر حاسوا حوال في الجواجي والكنين انهاسوا عضاريط عل وطن الكرامة داسوا ونشرو وباهم فيه لين توبّي(٢) ولحرار في يم الغريق اغطاسوا ولسفال ولوا شادين مصبه على فجر بعد الدامسين ادماسوا الله قدرته خير الدعاوي لبّي اشداد في مرمات التفاهة حاسوا قُبّه ورا قبه وراها قبّه اللي يصبحوا في الوطن ما يتماسوا

<sup>(</sup>۱) مطبّه: ملعب كرة(۲) توبّى: أصيب بالوباء

اتذب لفلول الخاينات مذبّه ويستاقظوا هللى زمان انعاسوا تطيح البرادع والثفرواللّبه وتشفى جوارح في الظماير غاسوا ايعود الشرف للوطن بعد تغبّه

# سلام من الجوش ...

الجوش هي القرية التي تعلمت فيها ولي فيها ذكريات طيبة . وبها أهلنا . وأصدقاؤنا . أرسل لي أحد شبابها السلام . وسلام أهله وأسرته فإليه هذه الأبيات ردًا على سلامه .

من الجوش دزولي سلام معزّه سلام عزّه سلام عز خاطر من تراب انْعِزّه

سلام اخوايا سلام من خواطر خاطرات ملايا اديار عزها في خاطري يتحايا ولاهب تنسيم النسوم يهزّه وللهم محبة خاطري والغايه لا يروع طاريهم كدر لا كزّه وكانوا وكنّا في الجوار هنايا وكانوا ضمايد في زمان الحزّه وللهم سلامي من البعيد اندزّه دايرينا في اصدورنا ربّايه ومنهم علينا حمل واعر هزّه

ناشدين علينا وجايرين من صاير قصى قاصينا نتنسموا منهم خبر ياتينا الجايد علينا بالخبر يتمزه فرق بينًا خاين وبايع دينه نزل في الحقّاره الحاقره للقرّه تركناه وطن العزبينا بينا منين في الكرامة . ولكرام ترزّى والصقر لا اتشوش يجوز حضينه ويجفى مراكز في الجبل تتنزّه ويا من اتسلم من بعيد علينا بلا نصر وطنك ما عليهش بزّه ولا صاحبك يرجع اتشوفك عينه كانش افلول الخاينه ملتزّه

## إلى الشيخ بن الشيخ....

أرسل الأستاذ . الشيخ بن الشيخ قصيدة يمجد فيها دور المهاجرين ويستفسرون عن أحوالهم . فإليه هذا الرد . مع الشكر . والتقدير .

يا شيخ من لقصي سلامك جانه محتار كنّك في الهجير امعانا \*\*\*

تريس عصاره وزي ما عرفتونا زمان الغاره وزي ما عرفتونا زمان الغاره دخلنا الفيافي للدرك صبّاره رفضنا منازلهم اديار الهانا وما نرجعوا والدايلين نصاره امخر بين للدين الحنيف اديانه امعايا رفاقه يشعلوا كُبّاره يتقادحوا قدحة حجر صوّانه باولاد فيهم جابت الجبّاره ثابتين على المبدأ الشريف امعانا وميّات كيف السيل في محداره

كيف البحر يرقى قوى طوفانه وبوسيف في المدعك سقيم اشواره صبعه وعينه وفرضه الذبانه اللِّي افشورهم لظموه هاكي داره خلاص ثار للى راقد الجبّانه ويا شيخ حي الحي منكم ياره نهار نصر عل وسع الوطى ميدانه انجوهم طرابه الوطن نعطوا كاره تنور يغلى من جميع اركانه وجدّك ايعاود في ضناه مداره يا شيخ وانتم شادين مكانه ووطنك انعيدوا للمسار مساره ويرجع امعزز والزمان زمانه \*\*\*

### إلى الشيخ الجليل

تصلنا أخبار من الوطن مؤلمة لايصدقها العقل فإلى الشيخ الجليل أرسل هذا الاستفسار.

كل يوم تسمع شيء تنسى لوَّل وعام السنى نساك في عمنوَّل اتجيك طوارف خبر ما يخلى عارفه للعارف اللي كان في الظل الظليل الوارف كيف النخل ظله سريع تحول وكانت اعيون اعيونها تذارف اليوم سطلت فيها التراب تكول ولا عاد جارف في مكانه جارف وسیل بی غیب من مساره حول ولا عاد سوف الجين جي يطارف وخاب ظن من قاعد عليه يعوّل وشى جاب للمردوم زول قظارف زعزاع خلى الضاله تضوّل

ایجی متعنی خبر قصد ما یترك هنی متهنی خبر قصد ما یترك هنی متهنی اتونی وما یلقی علاش اتونی طفور طفر متغلل قوی متغول مسح مسح ماسح منیة المتمنی خبیر فی السوایا والدرك متهول ویا شیخ لو تخبر خبایا ظنی هالشّبر ما ظنی زمان یطول اجمالك الشیل الرازنات اتدنّی العاقل علی بنی البدیل یعوّل العاقل علی بنی البدیل یعوّل واللی علیها بالكدر مجنیً

كل يوم يلفى لافي خبر من قوافي في قفانا قافي شبي كان في الماضي سفاه السافي وشي جد فيه الكارهين اتمول ولا عاد في العافي عفى للعافي

ولا منه طرف الطارفات اتنول وبجّح يدي معاد فيه الخافي اصلول صاله للغافلين اتزول جفت جافيه. ولَّت جفى للجافي ولا عاد فيها حول للمتحول وكان ما وقظ فيها الغشيم الغافي ولم لمها ما يقدع المتصول

## ليلة العيد ...

خطرت أوهام الوطن ليلة عيد خمسين قمرة والبعيد بعيد

خطرت أوهام يشقُّوا لا خلفوا من قسوهم لا بقُّوا قداش من هول الزمان نوقُّوا ودون لمّاجع حيدوا تحييد ولشراف للنوم اللذيذ احتقوا مذابيل بين الصهد والتصهيد

خطرت اوهام ضفايف قنايف وراها امتبعات قنايف لا بيوت نصبوا بالطرار صَفايف ولا ارجال تفتى لمر باماعيد ولا عاد في وطنك نجاة الخايف بدي فيه من عايش قليل الفيد

خطرت أو هام دوامس ولشراف كيف الحامسة تتحامس وزي من نزل بالمنزلة دار أمس وزادوه بعد الهجر بالتقييد اللى ظلله في الوطن ولّى شامس يقطع منام الليل بالتنهيد

\*\*\*

خطرت أو هام نحايز على وطن مصعب على اللى رايز اليوم صار للى كافرين حوايز وصيوره مرق من ليد وترجيع ترجيعه على اللى يمايز ما يكون دون الخايبين يبيد خطرت أو هام عواصي قدر قدر هم لا قربوه نواصي قدر درداده البعيد قصيد بلا يوم مشامط يطيب العاصي بلا يوم مشامط يطيب العاصي

والسيد يرجع في مكانه سيد خطرت أوهام اتشوش على وطن كيف الحايشات تحوش بلا يوم برقوق الرصاص ينوش ويحصد اعروق الكافرة تحصيد بارجال لا ترهق ولا تتخوش عراريد للفاير بلا تلبيد

\*\*\*

خطرت أوهام يشطّوا المواس جرحهم فسط لعظام يكطُّوا ومن شعب ناسه في لبرور يهطُّوا بعد قبل كانوا لصل والتوريد أسياد ليبيا الشمخ اليوم توطُّوا مزَّق الحام الشمل جور شديد

بلا يوم فيه اتعيد لحرار في روس الكفر تصيد على الوطن زعزاع لخصوم يحيد ويرجع زهي ليام كيف اتريد ولطفال للثوب الجديد اتبيد فيه امعيدين سعيد

#### العيد

العيد غاب عنا يوم ودعناكم دزوه لاكانا قريب حذاكم

يوم هجرنا وضاعت الحكمة والعدو دمرنا تمزق حميل الشمل حال سفرنا وكيف ماتبا عدنا بعيد جباكم وكل ماتقا صينا العدو قاطرنا ايقطع احبال الوصل من يالاكم ومن يوم فارقنا لعزاز صمرنا مازارنا النوم اللذيذ بلاكم ومن يوم غبتوا منكسر خاطرنا نتلفتوا طول النهار قداكم وشور شور طاريكم احوال نظرنا اجروح داميه في القلب من مطراكم وموت لحرار الحارين قهرنا ونبغوا مدانا وين طال امناكم عدو دين عل سكن لبعاد جبرنا وكيف مارمانا في لحبوس رماكم وغيَّب افنصف الشهر نور قمرنا بلا نور في المظَّمة خلاكم المغير للصلاه التكبير ما كبّرنا باطل بقولة حق بيه غدرنا وكيف ما سوانا بالوطى سوّاكم مقادير ما هذا الخيار اخترنا ولا عيد للي غايبين بلاكم

العيد امغيب

من هول خلاه الصغير يشيب والظن في اللى ياسرين امخيب رابت على قيس الرواب ادماكم جمل حملكم في غاربه متنيب شغل من يراجوا شادين قفاكم عدوكم كما ذيب الغنم يذيب وزارع مشافي قاطعين نخاكم

وميعادكم في شيرته ما طيب
وين تربطوا ينحل خيط اوكاكم
ولا زرعكم كيف الزروع امصيب
ولا بالمناجل واتيين اوتاكم
وكل ما حشدتوا حشدكم متهيب
وحتى العدو عارف قصير مداكم
الغياب يرجوا في النهار الطيب
نهار عيد يبدوا فارحين اعماكم
يا الوطن يبدأ ليبيا متليب
وإلا غطانا أترابها وغطاكم

\*\*\*

۱ شوال ۲۰۱۵ ۲۸/ ٤/ ۲۰۱۸

#### تعزيه

إلى محسن زهيو في وفاة ابنه أنور

نارك اللى شاطت طفتها ناري دير عزم واصبر للكريم الباري \*\*\*

شاطت نارك على فقد متغيب عزيز اصغارك على فقد متغيب عزيز اصغارك آلاف من شباب الوطن تحت انظارك ولا يعتبر مغلوب هللى عارك تكالي عليه الريم راح وذاري اللى نحسبوهم يا عزيز انصارك في يدين من خان لبلاد مذاري وكيفك على وطنك هجرت اديارك أنا كيف هجرات ادياري

موشى اخساره شهید وطن لاقی یوم هاکی داره طاح في طنايب ترعة الغدّاره على من يخبر في قفاه ايداري على وطن ما تبرد صهايد ناره مشى راح بين البايعه والشارى وفرسان دخلوا كبوة الكباره مراحيم شدُّوله عمود الصّارى وقفوا العدوهم وقفة الباشاره منين غاب مونسهم على لنظارى كراديس دخلوا للجنان عزاره ومفعول مدعكهم طراه الطارى ويوعذر ما نفعت اعماه عذاره الخاين ظرورى يرسعوه اجبارى على الوطن لا غيب الله احراره قريب نصر ويهبهب عليه الوارى

# يا خيل الله اركبي

بدوا في لمراح ينيروا ويسدوا

على نارهم كيف الجراد انهدوا

شاحبات طال رجاهم

عابيات باللي عابيين اعباهم

حاسبات هللى يزغردوا فى قفاهم

وخايفات منهم في الملام يعدوا

فايرات من غيظ المغيظ ادماهم

طفورات كيف السيل ما ينصدوا

عليهم اصقوره فعلهم علاهم

ان كان صممواع الشور ما يرتدوا

ايجيكم على طول الزمان نباهم

للسى طسواغى بالرصساص يسودُوا

داهـم دواهـم فـي عـدو ينـواهم

قداه من افجوج الباعدات يكدُّوا

بين لطناب يهدموا في اخباكم

على نارهم داعى شريف رماكم

وههم مسن دراهسات لكبسود يفسدُّوا

ويا خاينين العهد شوق هناكم

حفايا قدي ليفي اللعين اتمدوا

اصقور وطن جوكم عابين عباكم

وصبروا. وصبروا. في النهاية فدوا

مكاشيف كشفوا الكاشفين اغطاكم

لا تستحوا من العار لا تتسلوا

حب المخازي الخازيات عماكم

أبواب الفرج قدامكم ينسدوا

فـــــى المــــراح تــــراهج

اسروز فوقها نسار الوهيج الواهج

الحق دار في باطل قديم مداهج

مكاسسير في اقواز التراب يشدوا

سقوهم بمنقوع اللهيج اللاهج

بلاه عل طريق العيب ما ينحدُّوا

لهم رسموا سوق البهيج الباهج

عجاج كيف تعجيج العجاج افغدُوا

وعرضولهم بالحاميات طباهج

عليه من ايدين الساقمات تغدُّوا

في حسرب يقعد للعمسوم منساهج

اخطط في خرايط واضحات ايعدُوا

## ما نقبلوا في التعازي ...

في اللسى مسرازي لن ياخذوا ثارهم بالتوازي علسى مسن امسرزي مغدور مقتول يا عز عزي داره الخنازي كما التبن يقديه حبل السراز

التعان ما يقبلوا من يعزي

بلايوم يبدا غريمه امقزي

\*\*\*

ضد الخوارج وارج جوا في البوارج من افجوج خارج وترقدي النواري يحشُّوك حشَّان زرع القمازي

ويا خاين الوطن كل ما تهارج

ماتوا على الوطن في يوم حارج

أهلل الخيم وافسر موش هينه اتروح قتل الشنافر اللى خوتهم كيف سيل الطوافر ونـــادوا الكــوازى (١) تمشى نهار ثارهم في الحوافر يفكُّوك من نار يوم البراز ما يريح دم الشنافير ساير احمـــاة الحر الــــــر ولا يمنسع اهسروبكم ياقهساير ذيـــب لمعـــازى ايجوكم مغاليل والدم فاير يشنتل افليلة اغياب الحزازي الصيعان باحامية من بجيها منصــور بيهــا ایفکوه من بالیه مبتلیها اتــــزازی اتـــزازی وهي صل لا كان تعفس عليها يغزوك يغزوك لو كنت غازى

<sup>(</sup>١) الكوازي: مفرد كازي. وهو النائب أو الوجبه باللهجة المالطية.

الصيعان ياتوك لابس وعاري نهـــــار لقحــــار وكل حد يرغث بياثار ثاري وقتل الرجاجيل غدرة غداري فيهم اتوازي توتشــبح الشــبر لا كنــت هـازي

\*\*\*

أولاد أمهم وقت غابوا عليهم والنصار فيهم تخلط على لرض يجري دميهم يجوهم عراريد تخفق عبيهم روزة روازي يوروك يا قحف طرز الطراز

#### ياشيخ

يا شيخ في النادر شعيرك سوَّس تعب ليك تطرح درخته وادّوس \*\*\*

اتظنه مونه للحول تقعد ناينه مضمونه سوّس اثريته وما تغير لونه اسبوله نهار الحاصدين اينوّس في وين ما ريحك تحرك عونه مشى في السفي في حوسة المتحوّس وخابت افعقل العاقلين اظنونه ومزنه ظهر عند العشية قوّس

كبير النادر ووتِّيت له فرعة اجمال قوادر ويا شيخ لتريته زمانك غادر اللي خرّصه ظاهر احساب امهوّس ودرِّيت للمعطن قصير الحادر

وورّادكم خش الشطيط يلوّس واعبى على روحك وشوف الصادر منفوخ بالبقيّ زمان يطوّس وسجل اخيانات الصديق دفادر طلع لقّنى داير غوير امغوّس ويا شيخ بادر بالتوقّي بادر منين حثر حثرك فات دار عدّوس منين حثر حثرك فات دار عدّوس

#### المفكرة

قعدت هو اتفهم انظاف السيره لا ترد لا يردوا علينا شيره

ابغيرا وداعه مشينا تفرقنا على رباعه بين حبس فيه اصغارهم مرتاعه وبين قسمة التشريد والتهجيرة وبين من رووا دم الشهيد القاعه على الوطن جابتهم عليه الغيره قريب حول لا هو يوم لا هو ساعة عدو يصب فوق الهانيين سعيره

كانت دولة لا تهاب نيران العدو لاهوله هواتف اتسدي سدوها وغزوله اتدير رأي ما بين السدي والنيره وارجال شدادة أركان افحوله

نهار حسمها ما يعرفوا توخيره اجبال شامخة ما كبكبوا وقفوله وكل مير يرجي في نواهي ميره

قعدت أرقام أرقامه هواتف اتخلى في البعايد لامه أرقام القيادة الشامخة المقدامه وأركان حرب الشعب ومقاديره وكل الرياسات لكبار فخامه وكل المراكز في لبلاد خطيرة خلا والجلا فعدت اتقول منامه أرقام عز كانت ماليه التفكيره اليوم في ورق من باقيات اخيامه قعدت الحزن الحازنين اتثيره مع وطن لاهست عليك أوهامه ينهار عزمك كيف حيط الصيره حوال حايله خلّت الروس رغامه وحال وطن خلاه الزمان نذيره \*\*\*

كانوا فيها ستايف أرقام اعزاز والع بيها اليوم من رديم اترابها غاطيها وهى عليها السفو والتغبيره تذكار كانت فخر وين انجيها اللى تطلبه للهاتفين اتديره اعزاز نفس غلبان الكفر طافيها حوال حال فيه اتحير في تعبيره اليوم كيف غابوا والغبا سافيها اصتفحتها زادت على التكديره تفكرت منهو أرقامهم ماليها اصقور حاميين الوطن ومناقيره غبيوا وغبيات الغبا غابيها وتفكيرتي فيها حراك الحيره \*\*\*

#### غبتوا وغاب العيد

غبتوا وغيبتوا الخلوق اعماكم ما عيد تشهاه لقلوب بلاكم

كانت اتجيك رفاقه في العيد زرفاقه ورا زرفاقه مرابيع من خطارها مضياقه خوت صافيه المعكد قريب ادماكم غباوين من دنيا بدت فراقه بغيتوا الهنا والدهر ما هنّاكم مشى الشمل بين الغرب والشرّاقه وراح كيف ما راحت أيام غلاكم بدي احسابنا واحسابهم مالاقه اللي غتروا فسط الجوابي ماكم واللي سقونا كاس من درياقه مبعوث من قوم ليهود قداكم

عيد امغيب

على الوطن باصنوف الكساد امريب وزى من حرق في الصيف زرع امصيب عابيين على مونة الحول اكفاكم وليفى على بنتالكم يذيب كيف الحطيطه الحاطة خلاكم عدوكم بلا فزعة تريس اتهيّبْ لا يشوفكم بالعين لا ياراكم بلا يوم لا راه الصغير ايشيب سوامر على عرض الوطى وسماكم يا ليبيا بعد الشقى تتليّب ابطال عز في العالم يشيد نباكم اتردوا لها هاكه الزمان الطيب وإلآ مشيتوا والتراب غطاكم \*\*\*

الأوهام ...

أرسلت لي إحدى فتيات الوطن رسالة ذكرتني فيها بأوهام الوطن فإليها اكتب هذه القصيدة .

خاطرات يا عيشة لوهام علينا من البارده . للحوض . وسحاوينا \*\*\*

خطرتيهم أوهام عز كان الذود سارح فيهم وكان صهد صهد ازنادنا حاميهم الغزّاي ما يطمع ايطاطي بينا واليوم سافيهم على عافيهم اتقول نايضه افهاكي الجلاوي مينا تريّس انتاج الكافرين عليهم سهبنا بعد طوّل اميوحه بينا

أو هام يشفُّوا اشعاب الحماده وين ما يتكفُّوا لعاد فيهم جاريات ايرفوا ورا من حمى فج السرير ضنينا من الفجر لوّل للعصير ايهفُوا لن يظهروا قور الرمال الزينا وثميك لرفاق لعزاز يطفُوا أماطير صنعت كافرين متينا ولا قاطرين اودادها يتخفوا يتخيروا تيوس لوداد سمينا تجيبوه لا كان القبالي نفوا على انطاف ماها في السرير ضنينا

\*\*\*

أوهام يعزُّوا اشعاب (بي) من غزر النقاق ينزوا ولرياح في الطلح الغزير يهزوا تميد بيه تركينا ووين بوجلايب جافلات يفزوا رقوا فوق لوذ اللوذ قبلي نينا ويرقوا على لشراف كان التزوا يطبوا الوعر ما يهمهم تمكينا ووين لعزومي لا الشحايح كزوا غلا جود فوق من الغلا يغلينا أوهام انجوهم مهما يطولوا في المدى نغلوهم وننسوا زمان العمر ما ننسوهم وما دام نخوتنا القديمة فينا وكيف ما غبوا تيارنا نغبوهم اللي بايعين الوطن وميادينا ولا تامن الكفار يلعن بوهم وملعون من يا من امخالف دينا وغصبا على صفحاتهم نطووهم كيف ما طوينا عهد (موسولينا)

عصي الدمع ...

إلى عائشة التي قالت إن القصيدة ابكتها . وإلى كل الباكيات في الوطن

عصي الدمع .. وانتي امطاوعات ادموعك على وطنهم ما دامهم في طوعك

\*\*\*

ادموع سخيفه منك على وطنك غزير نزيفه على وطنك غزير نزيفه عصيات ها لمده على التكفيفه وما دام خيان لبلاد اتروعك يلوج في مرابعها العدو عل كيفه وانتي حزينه وغايبات افزوعك وهدّم افغيبات الرجال انجوعك وكل بيت قعدوا له الصغار عريفه ايتام زاد بيهم في المكامن لوعك ومن كان ما بين لعباد معيفه بدي شي ماسك من بعيد اصروعك بدي شي ماسك من بعيد اصروعك اليوم صايره شملة اغطاك قصيفه اليوم صايره شملة اغطاك قصيفه

ولا لاح صبر الصبر في مشروعك طال ابكاكن من ضيم في خل الخلا خلاًكن ويا جايبين النصر طال ارجاكن على ليبيا فزعت اجموع اجموعك ولا حشد جي طافر فزع هناكن وطهر من اللي خاينين أربوعك بوجعك حزينه والدرك يتراكن اطياحك وتغيبت تريس ارفوعك بلا لو كان . ولو كان . ولكن ایجی عقد ویبرد علی ملیوعك أحرار يرفعوا قيمة اسكون الساكن بالدم غالى يدفعو مدفوعك كتابب كتابب زاحفة تتماكن اسيوفك نهار الشايمه وادروعك من خانها واللي عليه اتّاكن مغاليب تصدر قمع من ينبوعك \*\*\*

### رسالة إلى الشيخ ..

أقصد بالشيخ هنا. هو الشاعر على الخويلدي السباعي ..

يا شيخ عزِّيهم احذاكم عزِّي اقلال عرف قعدوا هزوة المتهزّي المتهزّي

في عرفهم عزّيهم اللي رايهم معاد صالح بيهم قطعوا النَّخا للوطن في باديهم وداروا فعايل ما عليها بزّي عصوا يوم خشُوا المعمعة ناهيهم منين شم طافحهم نزوز النز واليوم ها هو السوس طقع فيهم القرقاز شربوا وجدرة الفلززِّي (١) قعد حثرهم بافعالهم تقنيهم وطار الحمام وصفقي يا وزِّرَي وطار الحمام وصفقي يا وزِّرَي

<sup>(</sup>١) القرقاز: نباتات في الصحراء مخدران.

تضحِّى الضحى تاراهم من كل شيرة القضى يتقاضاهم منين قطعوا رسوة احبال ارساهم ولا شك يبدوا يعجنوا في الخز وكيف زغرطوا للغازيين انساهم يظل دمعهم زازى قوى مززى ويبدو الصغار يحسنوا في الحاهم وهم بين ميت قهر والملتزى وبين الخنادق ما يجيب انداهم ولا منو يشفع عليهم يزى والله ما نبغوا مسيل ادماهم ولا حد منهم في الطريق امقزى اقلال عرف كبوا في السريره ماهم ولا من عليهم بالفزع متمزى \*\*\*

## ألم الوطن

سسامور في الخساطر رقي مسا هبّي بسامور في الخساطر رقي مساهبي

\*\*\*

رقـــــي ســــاموره

ورقت دخاخينه مثيل العوره

على وطن كانت شامخات اقصوره

وشعيه على العز العزيز تربى

اليوم حب زيتونه ظهر فيتوره

منين عصره عاصر حصيف ابحبه

ونبش اقصوره ومخزنه واقبوره

اللي قبل بالمجد المجيد تعبيى

وسوى على الواطي معالم قوره

سواه سوي حاقد ما تر كله تبه

وباحت حطيات النخل واجفوره

بدت للعلوج الذايحين مكبه

اهتز هز هزان النخل في الجوره

تكسر اللي ضد الزعازع صبة

وفيه كل من ضايع خذي شاقوره

اقصور مجد ما خلّی علیها سبه د

\*\*\*

دايــــــر صــــــــقّه

عثانين صفّه قافيتها صفّه

وكل يوم يقوى ما بغي يطّفّى

عليه زيت من ملو الخوابي كبه

من اللي ظواري العمر تحت الرفّه

على القحف واقحوف القحوف تربّى

اليوم بيه شمعون ليهود تقفّى

وهو كيف ما خطُّوا خطاهم لبّى

وجي للخيانة وشورها بالزّفّه

وداعاه للواطى خبير امنبه

عليك وطن بارجاله مشى في نفه

اخيوره مشت بيه الفرس في ذبّه ضض،

وميزان ميزانه رجح بالكفه

شهير كان فوق الفوق ما يتغبى

ولا حد حالات الحوايل شقه

وشعبه بدي في الوطن كيف الرّبه

أناما ما وجعني سامر

اتعقب لهاليب السعير مجامر

أنسا اللسى وجعنسي وطنن وتسى دامسر

وبالخير كانت حافلات اغيبه

يبغسى سسرايا زاحفات اتغامر

ونيرانها شبه وراها شبه

وأولاد عل عرض لبلاد سوامر

تزدم على جمر الجحيم اتطبه

وبسالوطن تغلسى ولقلسوب عسوامر

لن فوق عاليها جباها جبّه

اتخش المدينة افسورها تشامر

يتعرضوا نار العدو باللبه

لا منتهى للنهو لا من يامر

لن يترك الخاين حجاري ضبة البرايات تخفق في النسور اتقامر

اتصافح سواريها النوم وهبه

### في الموعد ...

طاربات جوكم للنفير وسوقه واللي راكبين طهوقه

\*\*\*

طاربــــات للترويحــــه

وطاهقات يبغوا الوطن وفراويحه

شايشات وين السوق ناظ بريحه

جاردات من طبرق إلى المحروقه

وخاطر عليهم بن وليد وسيحه

اللى امقصره عل ثارها محقوقه

ومش ناسيات الجوش وبراويحه

وحيز الجبل هللى تعلى فوقه

وسروس . وغدو . وین دایر میحه

وواد لئل وين امكونات احلوقه

وواد (بي) وين الطلح وطراريد

ابساط عجم سوف الجين وين اتوقه

وغدران وديان الهروج مليحه

فيها المخاليل الصغار احقوقه

والكوف جسره ولهلال وشيحه

اتقول عطر يهدي الغايرين نشوقه

عليهم نسوم النصر هبهب ريحه

مجاذيب والجاذب وشم طلوقه

\*\*\*

جــوا راخيات اصـرعهم

غايرات نار النار ما تقدعهم

اظهور الثريا الغايبه مطلعهم

منين شع بامزان الخريف ابروقه

عليهم اصقوره بالمصيد ولعهم

شناتيل في ضرب لحبار افروقه

ملاييع ثارا ارفاقهم لايعهم

ماهم على اللي خاينين شفوقه

اتقول نار خالق نارهم ولعهم

ايجو كيف نار القايله مطلوقه

قطا يهتلج وارد على منشعهم

بوحق لاحق واخذين احقوقه

غيظ كيف سونا مى البحر دافعهم

يقصُّوا لمطورن من اعروق اعروقه

اتقول من خلفهم للبلا صانعهم

ايخلوا عليه الواسعة مطبوقه

وفى الوطن خالق وطنهم يررعهم

حراس للوطن العزيز وشوقه

### اصبر ولو كان ليام دارت

لا تندب حظوظك ولو كان جارت ليام ترفع عناها المقادير واصبر ولو كان ليام دارت ولا يرهقك عكس طول المحادير ولا تنخلع كان لذياب غارت واحذر الياجا بهوك المحاذير والعمر لا كان حارت وبارت مقدر ولا ينقصوه المشاوير والطايره كان في الجو طارت تنزل على خير وإلا بلا خير ودنياك كانا زهت لك ونارت لا تنام وإحسب احساب المخاطير اللى قافيه غالبه اللي توارت واصبر إن كان الليالي تمارت ولا يرد ما راح منك مناشير وليام تنساب كيف سيل زارت اللي فات ما يرد بعد المصادير

#### توصيات مهاجر

كل جرح يبرا وليّام تنسيه إلا جرح جا من قريبك الداني أتدارى على من يقصقص وتخفيه وهو فاير الدم بين المحانى و حزنك الباربت شمات داربه وتضحك بلا ضحك تمثيل هانى وتجهل اسوالات آشبيه واش بيه وتجهل بلا جهل قول المعانى تاذیك لیام لا كان تاذیه وتسهر لياليه وإن كان جانى ورزقك اللي كان تغرف مجابيه على خاطره يهون والرزق فانى وجرحك بصبر المساواة ترقيه اللي خبّل الغزل لابد يقاني ولو قل صبرك من السوق تشريه وكانا فرغ زيد تشريه ثاني

#### رسالة مهاجر ...

اعزاز غيبوا غيب العقل اعماهم فرقنا السعادة يوم فارقناهم

\*\*\*

غاب هنانا من يوم كانوا جاملين عمانا غربة وزايد بعدهم شقانا يا من ينبينا على مطراهم زعم كيف همّ دايرين بلانا احنا ما قعدنا هانيين بلاهم ومن يوم غابوا بالتمني هانا كيف ليتامه فاقدين غلاهم الراحة جفتنا والمنام جفانا زعم كيفنا هم المنام جفاهم

#### الخاطرات تقاصوا ...

خطر خاطري والخاطرات تقاصوا أفكار وين ما فتنا السريرة لاصوا

وين ابعدنا
تقنطر وموح الغاليين جبدنا
ضحاضيح في موج السراب قصدنا
لينا مزازات الطريق تراصوا
ووين شبح من شبحه عزيز فقدنا
رمنا الصغى واعمارنا ينقاصوا
وبادت مع طول لفجوج اجددنا
وليام بالعلم الجديد تواصوا
وغابوا علينا جايبين أوددنا
بعد ما العراجين الذكوره صاصوا

### سلام من الوطن ...

يا شيخ من لقصي سلامك جانا محتار كنّك في الهجير اعمانا \*\*\*

تريس عصاره وزى ما عرفتونا زمان الغاره دخلنا الفيافي للدرك صباره رفضنا منازلهم اديار الهانا وما نرجعوا والدايلين نصاره مخربين للدين الحنيف اديانه معايا رفاقه يشعلوا كباره يتقادحوا قدحة حجر صوانه وأولاد فيهم جابت الجباره ثابتين ع المبدأ الشريف اعمانا وميات كيف السيل في محداره يرجو نهار النصر في ميدانه ويا شيخ حي الحي منكم ياره نهار نصر يرقى للسما دخانه انجوهم طرابه الوطن نعطوا كاره تنوُّر يغلي من جميع اركانه انهدوا على خط المسار مساره ويرجع امعزز والزمان زمانه بارجال كيف الموج في تياره إيجوا كيف سيل الواد في محداره طفور بحر يرقى للسما طوفانه وبوسيف في المدعك سقيم اشواره صبعة وعينه وفرضة الذبانة اللى افشورهم لظموه هاكي داره خلاص ثار للى راقد الجبانه جوره ورا جوره وراها غاره بعد الخبل سيورها تتقاني

## برك مصعّد ...

يهم الجمل . ويغر بيه . ابروكه مثنى . وثقل الحمل . والتاروكه

ارزان احموله ومثنى اقلال العرف ما فطنوله ولا العارفين بعرفهم فزعوله ولا نبهوا وين العلل هاذوكه فيه يخلعوا بطروفهم يوموله نسوا كيف تاخذ شورها المدروكه وهم فوق ثقله زايدين اثقوله ولا من اثقاله زارين افكوكه

بركوه غشامه اصّعّد وحطّوا الصاعدة قدامه ثنوه بالعقل امقيدات اقدامه تقطّع حميل الثقل جي عل روكه وزادوه فوق الزايدات اخزامه

وزاد حبل بالكاله ارتبط في احنوكه الياناظ يبغى فيشطه وكرامه في الكسبره يعمل عليهم دوكه ومن قبل راسه من الهياج رغامه يقطّع رساوي بمقطها محبوكه تطيح لعقل . وكالته . واحزامه ولا يهاب زرب الزاربين وشوكه يميتخ الياهست عليه أوهامه ولا عاد عل الغارب يهز اشبوكه ولا يلمسه لامس بغير سلامه ولا شك تبقى العاقبة مبروكه

## (أوهام الوطن) ...

إلى ابني محمد رفيقي في الهجرة..

وطنك عليه اليوم سابع عامه من واد غدو السافل الجباره الحسى المقاريس القصير مقامه اوكار نجع ناسه كان جيته لامه فيها لمعزب ناصبات اخيامه أوهام وطن حافزها الجبل العالى وشرق البن قايد عرب قدامه الحلاب لا هزّه الهواء يتوامه وكل بير يرجى الواردين مقامه عند القوايل نزهة الحوامه وللوطن هم نصرته واحزامه اليوم يا محمد خاطرات اوهامه خاطرات أوكاره للعلب لعوج لاجبل زعراره وغرب قدا لبرق وزيد يساره ووديان وادا لثلث والخطاره خساطره فسي بسالي الشارب دلال الشول ذوده فالى وقنة انفيص اتبان يتهيالي وخلِّي البحاير تحت من لجبالي والطلح عمار السرير الخالى هم نصرة الراغت قليل الوالى

البيضاء الخميس ٥/ ١/ ٢٠١٧

# يا ريم حرّكت لوهام ...

أرسل لي أحد الأصدقاء صورة غزال من ليبيا فله الشكر . وله هذه القصيدة.

يا ريم حرّكت لوهام علينا بين نازره ولوذ الكرب ونينا \*\*\*

يا كحيل انظاره خطّرت وطن امخطّبات انواره علينا كما الوقت العزيز تواره كن لا جرينا افجرتك لاجينا اتقودك نحيبه في العفي تجاره من الناصره للوذ وسحاوينا وين حثرنا للضيف تبقص ناره وهي عامره شعاب الصحاري بينا ويا ريم عللي كارهين ادّاره لن نرجعوا ويرجع زمانك لينا \*\*\*

#### رسالة من صديق

أرسل لي الصديق والأخ الشاعر مصطفى كمال السلام بيتا من الشعر يقول فيه:

> ابعدتوا علي والخواطر ضاقوا حيين زعما اعيونا يتلاقوا

> > \*\*\*

والشاعر مصطفى هو صديق الطفولة. والدراسة وكان نعم الأخ. والرفيق. وقد فرقت بينا الأحداث الأخيرة كما فرقت بين الكثيرين من الأخوة والأصدقاء والأشقاء فالل الشياعر مصطفى هذا الرد وقد توفي عليه رحمة الله.

مصطفى سلام.

ابعدتوا علي والخواطر ضاقوا حيين زعما اعيونا يتلاقوا

\*\*\*

الرد

بعث مصطفى يشكي ضياق اخلوقه بلا سرب قاعد فارقوه افروقه

ما توجعك فرقتنا ولا يوجعك ديرة شهايب فتنه عدو دینا یا بوحمد شتتنا وسامور جينا يا قرين علوقه عجاجات عصفت بالركايز جتنا ووادى علينا دافعات احلوقه صمدنا مثيل الراسيات ثبتنا ومن عاقنا ربى الكريم يعوقه ويا مصطفى ززنا لعزاز وفتنا تركنا ركوع الراكعين وسوقه ايطول الزمان انعمروا ترعتنا وراس عين تشبح مزنا وابروقه الحى يا يولى مرتفع رايتنا شامخ وراسه بعاند المزروقه وإلا كما اللي فات عمره فتنا عطيناه وطن الغاليين احقوقه

## إلى الحداده في تيجي ...

أرسل لي الابن منصور الحداد رسالة بأسماء مجموعة من رجال الحداده . من تيجي . يثنون على محاوقفي . ويفتحون بيوتهم لي إذا ما رغبت العودة . وأن ديارهم هي دياري . وأنا هنا أشكر هؤلاء الرجال . وأكن لهم كل تقدير ومعزة . وهكذا هم الرجال تبرزهم الأحداث وتظهرهم الصعوبات .

ورعى الله الشدائد كل خير عرفت بها عدوي من صديقي

فإلى رجال الحداده جميعًا . سلامي . وتقدير و مودتي . وليس بغريب عنهم وهم أحفاد أبطال الجهاد ضد الفرنسيين . وضد الطليان . وقد واصلوا المسيره ضد الناتو . وإليهم هذا الرد . وهو أقل مما يستحقونه .

من قصر تيجي اعزاز ما نسيونا ووين ما يظنوا بالوفا يلقونا

\*\*\*

اعزاز غوالي عمارة الفج البعيد الخالي المقوره مراكزهم اخشوم العالي ولا ينزلوا منزل اديار الهونا على التالي على الوطن يفدوا يلحقوا في التالي منين المضايع رونحو اللخونه

الرجله معادن والتريس ايصالي وهكه عرفنا ابيوتهم مفنونه سلامي لفي من غادي وموش بالمزية اجهادكم وجهادى من قبل بيت العزيا حدادي اعزاز نفس ما ترموا على المخنونه وهذى لبلاد ابلادكم وابلادى إن كان عانا ربى الكريم بعونه نردوا عجاجات لبلاد احيادى وترجع بفعل ارجالها ممنونه أنا ما نرقع في عقاب يبادي وننكس البايد كان دخن لونه أما نخشبها ونعفس على جدادي انقابات بشموخ الشرف مقرونه ملبوس غالى من جديد مسادى كيف ما نصون الصاينين انصونه والاتركنا شبحها للبادي والكل من قحم على كانونه وأنتم الياطال النهار اسنادى

وطلاتكم يوم الشرق ميمونه ونبعث سلام العز من لبعادي على كل حدادي بعث مضمونه \*\*\*

#### کان عید ...

العيد كان عيد منين كنا دوله واليوم لا دوله بقت لاصوله

كان عيد للعيّاده
وكان بيت راسم للعرب ميعاده
واليوم هانا نشربوها ساده
والوطن ولّت راحته مقلوله
والشعب هاهي عيشته مرماده
في كل بر امقطعين افلوله
وهي راسمه في كل حوش معاده
على اعزاز راحوا اكبودهم مصهوده
عوج وقت لا ينقاد لا يتقاده
عدوين خلوا وطنا برموده

## إلى الأحباب في الوطن ....

أنا جيت وين الشمس في مزرقها ولحباب جونا وين طاح شفقها

ابعـــاد التــاحوا

جوا وين تهويدا المرازم طاحوا

لا ارتحت لافي اوكارهم يرتاحوا

عدو دين قاسى والجموع فرقها

عيون خير كانوا بالنزاح اشسياحوا

ولزهار نفناف الصهيد حرقها

مناهل اللي كانت اعذاب املاحوا

العياف ولت عل نقوع طرقها

أصحاب عقل غطاها التراب وراحوا

استاسع عليهم في لخياط رتقها

سريرا قفاره

دون وطن متقاصي بعيده داره

احجافات (خشم الكبش) و(الجرارة)

و (زقريط) غيموم السراب درقها

ضحاضيح للها وقت لا من تاره

خليات زعناف الشلوق صفقها

عليها (المقطّم) قهر ما تختاره

عرب جوه خونات الرفيق شرقها

لا نجع ناصب في الهويد طراره

ولا اذواد تلعب طاربات احققها

ولا كوت يردي افرتعته بهجاره

ولا امراح مالى الخالفات اربقها

ولا جمع لا ميعاد بقصت ناره

دوازين راي وطاقات حلقها

ولا صانعه افبيت الكرم حوباره

تكرم الضايف من لذيذ مرقها

ولا جاعرة بجلالها كركاره

ولا يسمعوا جيرانها منطقها

ولى قلب قبل الحال كان اجفاره

بفرّج على اللي قالقات قلقها

راسى كما راسى جبل زعراره

من اجبال صوان الرشاد خلقها

ولى نفس عل هول الدرك صباره

شور المكارم واستعات اطرقها

بيت فتقوا اللى خاينين استاره

نعيدولها ولوطال ميح وثقها

ولا نخنع واللغير لانداره

احنا للوتاد الرايجات مدقها

انبا تولها كيف النجوم سماره

لن نعرفوا للحايره منتقها

ولن كسرها نضمن اجبار اجباره

وترجع كما كانت سليم عتقها

الفاهق

رسالة للشاعر ضو بن راشد الحامدي ...

يا ضو فاهقكم منيبل حالي

سـدُّوه راهـو القافيات اليالي

\*\*\*

قبل فوت الفايت

ما يطمعك كانا نسومه بايت

اتخاف من زعازع كاف تمنوشايت

عليكم رشاده منحدر متكالى

يخلِّي النجوع الحاشدات شتايت

وأنتم أفراس الرود يتهيالي

كيفكم وكيف اجوارتا رخصايت

خوذوا الحذر سروس يجبكم

تمشوا كما قال القديم سبايت

الياغم واطيكم عليه العالي

تقِّ ہے تق

الفاهق اللي في الخالفه متلقِّي

وها لمرزن هلِّلى افركنكم مترقِّي

يخلِّي امراحات لعزاز جوالي

ووقِّي الياكانك قدرت اتوقّي

راهو قريبك كيف زرب البالي

بيتك وبيت اجواركم متلقًى

ولو كان قرطاس الركايز عالى

فــــاهّق رفّــــه

يحلب بسلوه للصديق يشلقه

لا يتقلى بسلتار لا يتخفى

كم من رخيس يشوقك في الغالي

ويا ضو راهو الطيبين افنقه

اللى ما غطاه السفوراح جوالى

ولعاب جيرتكم امطالب هفه

ولول امخلِّی اوصایته للتّالی

اللي ما قعد في دار سيده سفه

ينقاد بالكاله كما البغّالي

#### إلى الحاجة مبروكه التواني مع التحيات

مبروكه التواني سيدة فاضلة مناضلة توفي زوجها في أواخر الستينات وترك لها مجموعة من الأطفال فبعيت تربيهم . وتشرف على تربيتهم وتعليمهم . حتى تخرجوا من المدارس العليا منهم الدكتور . ومنهم المهندس .

آلمها ما آلت إليه البلاد . وتشريد شعبها فأرسلت لي بيتًا من الشعر تتمنى فيه عودتي للوطن تقول فيه :

رد غريته يرجع يجي لبلاده ما يفرحوش بغيبته حساده

وهي ابنة المجاهد التواتي بن سعيد الذي خاص المعارك ضد الطليان. وأبلي البلاد الحسن عليه رحمة الله فإلى السيدة الفاضلة مبروكة التواني هذا الرد.

منك لفي مرسول يا مبروكه ترك خاطري حاست عليه اشبوكه

\*\*\*

أنا ما تركت ابلادي وماهنتها لين يفرحوا حسادي لين دمنا فيها جرى بدادي وخانوا مرابعها عبيد الكوكا ثلاثين دولة فازعة جرادي

هم جوا والخيان للهم روكه ولحرار جردوا ارجال عل لجهادى قريب حول ما هانوا العزيز اتروكه اشداد عزم راموا للجحيم الصادى وبان شيء للهم بعد طارا استوكه العالم تكالى الكل من لبعادى بوطير طاير بوبحر وافلوكه تركناه وين الشور موش امقادي وكثرت على الراقع اشروك اشروكه وولى نصيرك في التراب امعادي اقلوب خازنات السو كيف البوكا هم مزقوا الشامي على البغدادي لین برکوا هللی صعیب ابروکه احنى وقت راهوا الفكر منكم غادى انوتو افعده والسدل واحروكه وانسددوا للشادين مسادي وغير نفتلوا في القيد والتاروكه ودايرين وطن العز في المقصادي وحاسبين بحساب المضايع هوكا وراس بوك ووراس الرسول الهادي انراجوا امراجاة لهلال التوكه ستين قمرة ولبلاد اتنادي ومو حال تبقى للعدو مملوكه

ماني هايب
وراني على هاكي لبلاد سبايب
هالتاو تلفالك اجمال منايب
يديروا على الساحة الشهيرة دوكه
وتطهر بلادك من عبيد حلايب
تنقًى من الخاطر دوامي شوكه
لهايب يطبوا من اللهيب لهايب
يجلوا على اللى دامعه مدروكه
وأنا سيد سلمى واندهي بالغايب
ما ينتسي اللى طاح في المدعوكه
الشايب نهار الحشر ما هو شايب
ذهب صاغ يبدوا مارقات اصكوكه

# فهرست الديوان

٣	الإهداء
٤	أوُدية الوطن ورجاله
٦	طَاحُوا مِن الْعَيْنِ
٧	خوتك اللي معاك
Α	سيُّورها تتقاني
	يا وطن العزاز
	يعود الشرف للوطن يعود الشرف للوطن
	ير و سلام من الجوش
	- الشيخ بن الشيخ المس المستحد المستحد المستحد المستحد المستحد المستحد المستحد المسي
	ً عي إلى الشيخ الجليل
	على العالم ا العالم العالم
	العيد
٣١	
	يا خيل الله اركبي يا خيل الله اركبي
	ي كين الله اركبي ما نقبلوا في التعازي
	يە كىبور كى المعاري ياشىخ
٤١	<u> </u>
	,
	عصي الدمع
	رسالة إلى الشيخ
	ألم الوطن : ١٠
οΛ 	
<u> </u>	·
7.7	تو صبات مهاجر

#### ديوان.. رسائل للوطن

٦٣	رسالة مهاجر
	الخاطرات تقاصوا
	سلام من الوطن
	برك مصعّد
	(أو هام الوطن)
	ياً ريم حرّكت لو هام
	رُسَالَةُ مِنْ صِدِيقٌ اللهِ اللهِ عَلَى اللهِ عَلَى اللهِ عَلَى اللهِ عَلَى اللهِ عَلَى اللهِ عَلَى
	إلى الحداده في تيجي
	کان عید
	إلى الأحباب في الوطن
	الفاهق
	إلى الحاجة مبروكه التواني مع التحيات
۸Y	ءِ عند الديو ان فعر ست الديو ان